

# VALPELLINE

## L'ouva

Lamo l'ouva que direndze le foille  
É me caesse lo vezadzo.  
Lamo l'ouva que sopatte le pateun  
É m'ébourdeusse.

Lamo l'ouva que plée le verne  
É me fé manqué lo flou.  
Lamo l'ouva  
Qu'écariente la pourta de la remiza  
É sopèn le dzeleunne.

Lamo l'ouva que me fouette le dzoute  
É me fé treuncalé si pe lo senti to drette.  
Lamo lo couisse  
Que rebotse to sen que aprotse  
É salle gotte de nèi  
Qu'icreutton comme de-z-ipelie  
Si le-z-oué, si la botse  
É m'eumpatson de vére é de souflé.

N'í l'eumpréchòn  
D'itre a la pourta de l'enfeur  
Avouì to si feun a l'entor...  
Idjade-mè, Sègneur...  
Si pa poué tan chia  
Sensa voutro siel dessì la tita.



lo gnalèi



Région Autonome  
**Vallée d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura

Texte écrit par:  
Agnès Ansermin

Texte inédit - 2002  
Rédacteur : **Agnès Ansermin**  
Transcription : Guichet Linguistique